

大寶積經



七十四
師一

47519



元祿九年丙子二月日重脩

皇圖 聖圖 帝潛 綴昌

佛日 增輝 轉輪 常轉

山城州天安寺法金剛院置

法華經



大寶積經卷第十一

西晉三藏竺法護譯

密迹金剛力士會第三之四



密迹金剛力士復謂寂意菩薩何謂為如來
心秘要其業清淨所以因緣一切諸天子所
生以一識慧壽八万四千劫又其神識不轉
不變以為餘識乃至定意還得壽命從彼終
沒因其所行受身而生如是寂意如來從其
夜得成佛道至滅度日於其中間如來無疑
亦不迴轉心無思行心無遊行心無不堅心
無所合心無所散心無亂心無移心無遊心
無護心無寂心無失時心無迷心無求理心

無暗心無生心無喜心無怯心無住心無往
心無想心無望心無求想心無消滅心無所
觀心無御識心無住處心無觀他心目無覩
耳無所聽無鼻口身心無想念意不倚色無
聲香味細滑心不依法心無樂趣心不非樂
心不任內亦不任外心不入法心不越慧心
不觀過去心不觀當來心不觀現在心如來
聖心清淨巍巍其心不造罪福之業於一切
法慧無罣礙而普示現已心清淨不見他人
心不清淨其所見者亦無所觀若所觀者亦
無妄想察無放逸覩所觀見亦無馳騁觀有
所見永無所見如來所見不肉眼視不天眼

觀不慧眼察不法眼看佛眼觀不合天耳
聽不合觀他心不雜念識過去世事不依神
足而爲變化不倚所有諸漏已盡於一切法
悉無合會應於諸法無所罣礙其無吉祥無
有眾業永無所行其慧所住猶若本無皆知
一切眾生心行十種力業四無畏慧十八不
共諸佛之法是亦若斯進退無業捨心意識
不離如來三昧定住普造一切諸佛道事一
切諸法慧無罣礙悉無所著猶如虛空寂意
如來至真化如來像其化如來無心意識身
口意其行所在至真示現隨時能作佛事化
亦無想亦無求念如是寂意道心如斯猶如

來化等無有異其所化者所念無念無身口
心因緣進退目覩見之皆作佛事亦無所有
所謂化者悉無所行諸法如化如來解是成
最正覺已成正覺如來慧識不住五陰無十
八種亦無諸入不住內外無善無不善無現
世無度世無有漏無不漏無塵勞諍訟之狀
不住無為有數無數無有三世去來今行周
旋往反不住有為有所觀察也不住無為觀
也其慧亦如是悉無所住如來至真處於一
切衆生志性顯仁慈慧無所傷害救濟危厄
寂意當知是如來祕要若有所入其所班宣
無不普達又有寂意如來祕要不可限量所

宣秘密不可得底密迹金剛力士說如來祕
要品時無央數諸佛世界六反震動其大光
明照於十方覩於十方無量佛土天雨衆華
筵篔簹樂器不鼓自鳴無央數人皆發無上正
真道意不可計菩薩逮得無所從生法忍不
可限人逮得柔順法忍倍復不可計菩薩得
一生補處德本淳淑以是因緣故十方所在
諸佛國土各各在諸佛世尊於賢劫中衆菩
薩等淨修梵行是諸菩薩以法供養皆各散
華奉事貢上密迹金剛力士其所散華化成
華蓋承佛威神是諸華蓋一切咸來在於佛
所而繞佛及密迹金剛力士三而普覆衆會

又其寶蓋住虛空中，當於佛上從寶蓋出。如
是無比好妙音聲，唯然世尊賢劫菩薩遣我
等來供養大聖及密迹金剛力士奉法供養
乃班宣。是如來至真不可思議所說祕要，皆
佛威變之所為也。今時一切諸來衆會聞說
是法，欣然大悅，皆共叉手咸禮。稽首密迹金
剛力士，益加恭敬。現若干變，宣說是言。我等
世尊為得善利，獲無極慶，乃速得見密迹金
剛力士，值聞如來不可思議祕要言教。若有
衆生得致聞是經典之要，而信樂者，以近道
業不懷狐疑，未曾猶豫入佛訓誨，則當觀之
為不退轉。當至無上正真道也。時佛嗟歎密

迹金剛力士言善哉善哉快說是言誠如寂
意復告寂意菩薩大士如來功勳甚奇真諦
四無所畏是經典者如密迹金剛力士所可
咨嗟快說至訓斯諸正士諸佛尊法道慧魏
巍如是其聞是法不恐不怖心不懷懼解義
所趣若復受持能諷誦學廣為人說不久受
波當作是觀疾速無止正真之道成最正覺
今時彼衆會場地正其中間於世尊前地尋
時劈裂深六十八百千由旬自然出水滴大
如車釐上虛空中高至梵天灑三千大千世
界佛告寂意汝寧見此其大滴水上虛空中
灑乎三千大千世界地乎對曰已見天中之

天唯然大聖垂愍唯說何所先瑞佛告寂意
仁當知此今斯水滴地無思想無所裂壞水
自然出諸法師等亦復若斯若以受持是經
至要住如上教而奉行法皆當裂壞六十二
見衆邪疑網逮得於此不可盡明法辯才之
慧斯諸正士爲諸衆生使說正法普悅衆心
又寂意如是經典者盡脫衆惡三塗之難于
時賢者舍利弗前白佛言今賢劫中諸菩薩
衆在於十方諸佛世界淨修梵行云何於是
密迹金剛力士斯諸菩薩後成佛時皆當手
執金剛侍從後乎佛言且止舍利弗是不可
思議諸天世人得聞是言將無恠惑菩薩所

行或能不信舍利弗復白佛言若有學人殖
衆德本當信樂之我等咸當受如來命佛言
汝寧見此密迹金剛力士任侍佛後乎荅曰
已見佛言以神通力本願所致常當供養諸
菩薩衆於賢劫中當成佛時密迹力士常應
侍之亦如侍我也是舍利弗密迹金剛力士
皆於賢劫諸菩薩衆常當侍衛賢劫諸佛以
神通力皆是本宿自在誓願佛言舍利弗正
便三千大千世界一切衆生將來成佛皆當
須侍得佛道時亦執金剛悉衛侍後而自示
現雖尔變化又此正士神足之德建立聖威
未曾損耗舍利弗寧見弥勒菩薩今密跡金

剛力士常侍其後。答曰：已見世尊，以是之故。承佛聖旨，從古以來，未曾聞斯佛告。舍利弗，常侍彌勒、汝等不見也。亦在他方諸佛國土。諸菩薩來天、帝釋、梵及四天王，見密迹金剛力士侍於彌勒菩薩之後。又時其餘賢劫之中，彌勒菩薩及餘菩薩化作億百千垓諸菩薩衆，皆在其後而侍化人，開度衆生，以是正士所建立威不可思議，神足威變巍巍如是。具足衆德，六通慧力不可限量。於是寂意菩薩謂密迹金剛力士曰：豈能屈意班宣如來修勤苦行，在嚴道樹降伏魔官，而轉法輪造立至諦仁者所明，具說意旨密迹金剛力士。

謂寂意曰其功德勲不可限量假使任命一
劫稱其至德不能具宣講論意旨承佛威神
粗舉其要又曰寂意菩薩所行不以一事修
勤苦行菩薩行法為外異學欲濟危厄故示
現義各以隨宜從其身行多少明宣顯其威
儀因而得化外學眾邪現身最勝尊豪難逮
所行勤苦甚不可及示現菩薩威儀禮節一
切外學眾邪異業所不能逮菩薩在彼住一
章句解無量義或現上方或現日月周旋往
反或現神通飛行仙人隱處或現儒林國師
居士或現宗長聖帝四王或現帝釋梵天轉
輪聖王或以自現行不具足或現其身卧荆

棘上或現卧葦草上或卧土上或現所卧或
畏或無所畏或現卧處或現坐食果或現弊
衣或卧泡上或現赭衣或現裸形所共遊居
或現服食猶孝子睽或現惡食或現食豆穀
或現食麻米或現食蘿菔若芋蕪菁或以食
舖若食菜茹或食荆棘或服葉華實或現食棗
果或能一食或再食或現常食或現七日一
食或現十五日一食或有一月一食或服一
滴蘇或服一滴油或服一滴蜜或服一滴水
或服一滴乳或現不食或現常住或現常坐
如是寂意是及餘行不可稱計威儀禮節是
為菩薩所現苦行菩薩所現勤苦之行具足

六年不但一行威儀禮節行若干種示現具足復以超是堅固勤修精進又諸衆生不見如來若干品威儀禮節亦不能知菩薩所為若有衆生能修行道如其所行舉動進止威儀禮節以是開化使得度脫若見菩薩威儀禮節乃能觀之菩薩所行觀無妄想是為菩薩所行勤苦具足開化六十垓人三百萬諸天人民皆入道業今時菩薩行微妙業又菩薩行在於所生坐寶校露高閣之臺而示現生無衆患難永得安隱三昧常定而反示現六年苦行復見起去彼時諸天求於法樂苦志經典不慕世俗住菩薩邊無有異業唯班

宣法是爲菩薩時有菩薩名曰法種好樂大
乘入于大哀復有法典名入不可思議法門
又号普攝降伏衆邪一切諸魔入苦難慧永
獲大安密迹金剛力士謂寂意菩薩菩薩勤
行竟六年已輒如所現精進威儀從其坐起
詣於尼連閑靜河邊順示從世故到閑靜流
河水際洗身清淨度河水去往至他處而獨
立焉有弥迦女名菩薩構千頭牛而取其乳
展轉相飲取後淳渾用作湮糜在金跳上數
十丈女恠所以梵志占之臨成佛者乃應服
耳時女賣往詣菩薩所及六萬天龍鬼神捷
沓和等各各賣食竒異甘饍詣菩薩所各自

啓曰唯願垂愍受是供養于時菩薩受善蔭
彌迦女乳糜服食亦取一切六萬天龍鬼神
捷沓和妻飯示現皆食諸來施者各各自見
獨受其食不見他人他人亦不知之時一一
人各自念言菩薩獨念取我供食當逮無上
正真之道成最正覺以是喜悅發大道意應
時得立不退轉地是為名曰受供饌食開化
衆生故現六年勤苦行業密迹金剛力士謂
寂意曰是為菩薩隨其世俗受供而食使身
氣力充備安和往詣樹下又有地神名善地
天子告諸天子及餘地行天神持地不動莫
令肅震斷衆愛欲及諸結著菩薩已到於樹

王下嚴淨其地次第諸施歛然三千世界自然清淨散華燒香香水灑地迦留迹天持華鬼神下其天宮住虛空中見菩薩欣然兩種種華其四天王與其眷屬至四方域以紫磨金網縵妙帳周遍覆蓋三千佛土以供養佛天帝釋梵前有大神足莊嚴如意咨嗟三千世界切利天焰天各紫磨金帳而校露之網瑠璃帳覆三千大千佛土供養兜率天珠校露帳校飾供養如來巍巍堂堂及諸天王微妙其好如紫磨金其心大悅供養如來雨好真珠化善天王以明月珠光明晃耀白玉銀帳演其和音流布十方令三千世界莫不悅豫

乃至諸天清淨衆寶威神無量無垢顯明他
化自在天化作一帳衆寶合成普奉事佛諸
天龍神阿須輪迦樓羅真陀羅摩休勒各以
神足聖力示現莊嚴修治一切欲界力士謂
寂意尔時有大梵天王名曰威神自在主三
千世界極尊無量其菩薩行往覩佛樹又是
天王告諸梵天詣仁當知是菩薩大士於過
去佛修治正行植衆德本誓首歸命無數諸
佛大願不動堅強意固忘不患猷皆興一切
諸菩薩行奉修諸度所度無極悉於其地而
得自在志性普和善修清淨盡入一切衆生
根本皆通一切如來祕要悉度魔事且衆德

本不依仰人爲諸如來善修建立無上道法
爲大導師救濟衆生班宣經典一切衆生合
一勇猛拔乎魔境永無魔業曉了道法爲大
醫王療衆生病服解脫冠爲大法王演智慧
光無極聖帝不爲世俗八法所拘猶如蓮華
不著塵水執持諸法不曾忽忘猶如江海智
不可限如瀆彌山不可動搖淨洗其心如水
洗垢終不自大常行謙下如明月珠去眞衆
濁於一切法而得自在積衆德本猶如梵天
天上第一往詣樹下降伏衆魔逮得無上正
真之道爲最正覺具足諸佛十種力四無所
畏十八不共諸佛之法轉大法輪爲師子吼

充滿一切潤以法施欲淨一切衆生道眼攝
取諸法棄外邪業九十六種具足本願好見
諸佛十方境界大聖威德遊得自在第一諸
度所濟無極汝等仁者常當謙恪恭諸菩薩
於是自在梵天於諸天前說是頌曰

清淨正行決上妙法愍傷世間哀及諸天
天中之天天人中尊大聖今住諸佛樹下
當降伏魔及與官屬逮得正覺成一切智
已樂備悉最正覺業便復以轉正法之輪
大智無窮大師子吼可悅一切衆生之心
以清淨故致妙法眼導師往詣於佛樹下
降棄衆魔消外異學皆悉具足本宿誓願

其時導師往詣佛所善哉一切皆共和同
當好莊嚴三千界地是以校飾於其欲界
色無色界莊嚴如是善哉梵天其心仁和
此三千國一切嚴淨如是欲界以清淨好
所見供養復過於彼名香木檜衆華順義
斯寶光明鼓衆伎樂其有覩者莫不欣喜
而梵天王普三千界從梵天王至迦尼吒
各各梵天平正清淨在虛空中神尊復尊
有天中天見淨復淨六十億載諸天來會
為於菩薩嚴金剛場下諸天華而雨供養
衆香香水以用灑地衆寶妙牀施設諸座
嚴淨校飾佛樹下坐我等導師一切咨嗟

隨所安處 令其清淨

時密迹金剛力士謂寂意菩薩時菩薩往而
坐樹下於其足底生千輻相從出光明其光
遍照斯佛國土靡不周至一切地獄畜生餓
鬼一切衆人苦惱休息又大光照黑耳地獄
時黑耳地獄蒙世尊光歡喜踊躍衆雲集焉
於時諸天咸說頌曰

紫磨金色光 從天中眉出

來照我等身

令心中欣然 我值過去佛

覩見好瑞應

大雄必不疑 佛定出世間

善哉雜飾鬘

香華及塗熏 紫金明珠成

右手執持衣

鼓其妙妓樂 而受綵幡蓋

亦豎其大幢

供養於世尊

諸地獄中人

蒙光普清淨

以供奉於佛

承事於大聖

於時黑耳大地獄中王與中宮俱其所集衆

一切各持華香雜香澤香衣服幢蓋幡綵妓

樂出其宮宅上虛空中化作寶雲雨明月珠

名香木檠及栴檀香衆華真珠承龍大神神

足變化詣菩薩所稽首足下右遶三匝與其

眷屬各以所執供養之具進上菩薩作其妓

樂以是頌偈而歎世尊

猶如有寶地

莊嚴雜豐妙

佛樹華果茂

獲坐其道場

如河定不流

若月住虛空

成佛普一切

降伏魔宮屬

世尊衆祐曜

猶如日盛光

若如重六通

峰王宣和音

演其光明慧

如梵天須輪

今日眾祐現

充滿藏無限

日月珠火光

天帝釋梵曜

能仁光適出

皆覆蔽其明

光現我宮殿

知佛興乎世

顯瑞應歡喜

知今佛出現

見聞拘留孫

拘那牟尼佛

迦葉詣佛樹

適聞音供之

見於無等倫

瑞應與彼同

心生歡喜悅

今必當有佛

世尊我善利

得廣供養佛

以四事世光

奉信行恭敬

所積功德福

具足奉明眼

是世光明曜

成佛無等倫

尔時菩薩往到迦隣龍王所止土界龍王見

佛心中欣然自出其室往詣佛樹住佛之右
又有一人名曰吉安遙住視佛因求好草手
執此草觀菩薩至詣佛樹下諸天宣暢柔軟
微妙咨嗟德音安隱巍巍可意快樂無上之
德繞佛轉進其草香好香風流布靡麗光澤
好細無量猶如天衣如是好草以時執持往
到其所以此好草貢與菩薩誓首足下右遶
七帀以仁和心至不退轉發無思議無上正
真之道心自念言不當作是非宜之行所觀
若斯無言不來乃至吉安以時施與菩薩之
草當發無上正真道意所以者何本願所致
寂意當知吉安乃往宿世本願作是所以者

何我憶識念寂意菩薩乃往過去無央數世
經九十一劫唯衛佛時興出乎世如來至真
等正覺明行成爲善逝世間解無上士道法
御天人師号佛世尊其佛世時有千比丘淨
修梵行彼時世尊授是千比丘決在賢劫中
當成無上正真之道爲最正覺時於會中有
一長者名曰有志聞授菩薩決心自念言我
於賢劫當成如來逮最正覺則不違宜吾於
彼世見施好草時布師子座甚妙嚴淨仁和
安然緣是則發無上正真之道寂意欲知介
時有志長者今吉安是也以是之故當作是
觀如其本願致吉安行彼以隨時施與好草

所可因号後成佛時名如來至真寶淨師子
尔時菩薩以授好草布佛樹下又上樹神乃
至虚空一万天女各以衣祴盛好天華各取
香華雜香澤香往迎菩薩誓首作礼各持衆
華香幡蓋供養菩薩以此讚曰

無恐無所畏

無怯不懷難

建立難得值

無染無癡惡

無凶禍之罪

無慳嫉無愚

離欲以解脫

願誓首大聖

以律化得度

廉癯及邪行

善為浴良醫

療治衆苦疾

見諸無救護

無鎧先自歸

今佛與出世

濟脫於三世

諸天之大衆

各心抱踊悅

一切普雨華

衆華若干種

諸天所造供

衣被及細好

當成爲佛道

皆發歡喜心

以坐樹王下

心不懷恐怖

以甘露之味

壞裂塵勞網

覺了乎寂然

致最尊佛道

如過去諸佛

曉了最勝法

其所奉行要

修無央數劫

以積累苦行

欲度於衆生

昔願已得成

今正是其時

逮得尊佛道

唯演布慈愍

密迹金剛力士謂寂意菩薩佛以時取草往

詣道樹以此好草布其樹下誓首作禮右繞

七帀適布坐竟應時八万四千諸天子等覩

菩薩布坐心中欣然尋設八万四千師子之

座座甚微妙若干殊異極高廣長衆寶合成

以奇珍爲欄楯周迴興立校露之帳以紫金
飾則用真珠垂瑤其間明月夜光雜廁羅列
瓊奇之寶以用作鈴懸之甚鳴其音和雅無
量調合無數天衣而布其上菩薩應時自變
其身普遍八萬四千師子之座是諸天子各
不相見亦不相知一一天子心自念言菩薩
獨處我師子座成最正覺以是悅心至不退
轉然後皆當逮得無上正真之道也密迹力
士謂寂意於時菩薩建立威神使魔知之與
無央數不可稱計億百千垓鬼神俱發眷屬
圍遶皆被鎧甲顯大神足與最勢力將衆鬼
兵周三百三十六萬里顏貌各異所從不同

各現威勢無數衆難若干種像兵杖嚴整頭
首各異志願各別飯食所行志操不同言聲
各別辭談音異皆詣菩薩時魔波旬與大眷
屬甚可畏懼不順仁義所作天非興反逆事
不可見聞不怙道德各執兵仗稱叫大呼揚
其音聲驚動三界假使凡夫未離欲者得聞
此音輒當涕血從面孔出或恐怖死其時菩
薩不以此難而有畏矣亦無罣礙于時菩薩
興大悲哀可畏音響音自然消滅不知所湊所
以者何欲安衆生不令被燒無危害患菩薩
逮承奉淨道心善權方便雖聞此音了之本
虛本無有聲衣毛不豎見魔衆來光顏益榮

大明顯發宣四事業志無所畏以十六事與
已辯慧隨所可樂摧折大難而告魔曰且止
波旬用為與發如斯色像無益之事而懷瞋
毒還自危身長夜不安所以者何波旬今日
發心欲壞菩薩菩薩弘仁以大勇猛無盡大
哀懷無極慈降伏惡逆欲亂菩薩菩薩本淨
消除垢濁羸劣闕心弊惡之塵今日波旬反
成菩薩欲以螢火越日月光明菩薩已免無
限之底演大柔和深妙道味甘露正覺諸小
蟲獸欲驚師子魔今欲躡大無極樹以使摧
折拔其根本以牛迹水欲以大海反長怨賊
無益之城起凶敵心今日魔王當與度怨言

談說事橫興反禍惡鬼爲倫當蠲迷惑取道
伴黨令至平等而無殊特棄非法王自歸聖
嚴淨微妙生無上慧仁義法味捨衆邪典
令心質朴今日波旬心當惟念過大曠野最
後究竟盡生死源而反馳騁入大海中當乘
大舟度終始流今遇習學值被劫燒并災樹
木衆雜藥草莫復毀壞大金剛術當歸大道
然後得佛度脫十方衆生人物密迹力士謂
寂意於時諸天歎詠佛德巍巍如是而無比
像其魔波旬以得難佛間是十六事好樂所
慕心存大猷於是密迹力士謂寂意菩薩自
念吾不可計劫功勳普著因行成就從無央

數百千億垓積功累德皆是宿本世世奉法
每生自剋愍念衆生三界之厄故行柔軟平
正鮮明致清淨業誰敢毀壞獨地證明於時
菩薩從袈裟裏裏山出紫磨金色手普摩已身不
捨大哀志性調和欲度衆生常行安徐舉其
右手向十方界自見諸佛適至乎地三千大
千世界六反震動有自然音其音宣徹十方
佛土其魔波旬聞斯音聲及魔官屬在虛空
中亦聞斯音響咸共自責飢虛禁戒樂乎勤
修又時大聖如施無畏愍傷衆生應時八十
垓魔及鬼神伏向菩薩自然躡地心自歸命
唯見擁護諸在衆中與魔眷屬破壞亡去自

然迷惑不知所湊所以菩薩演大光明愍哀
斯等各離恐懼皆歸天宮以是之故菩薩大
士現降魔王及衆官屬八十億垓鬼神皆發
無上正真道意九十二億載人以仁 and 心立
不退轉八萬四千諸天子等宿植德本逮得
無所從生法忍密迹力士謂寂意曰以是比
像所降衆魔諸天世人不可稱載受化得濟
其諸天人追魔波旬若人以見菩薩所行或
見坐於寶淨蓮華師子之牀或見在地或在
虛空師子座上或復見在貝多樹下或見在
忉利天上晝夜樹下或以見在衆寶樹下或
復普見一切諸人七尺諸佛樹下或諸天見

坐佛樹下處在師子半刃座上或在七刃或復十里或二十里或四十里或諸天入悉見八萬四千由旬佛樹下座或復現在四萬二千由旬坐師子牀如是寂意諸菩薩不可稱計境界難限諸菩薩衆由是道場歸乎殊特菩薩所行有若干種歡樂之業入百千行菩薩所現不同各從本性而開化之發賢聖寂成最正覺至一切智隨時音響而班宣法供所當奉菩薩於彼以若干品其所咨嗟皆是菩薩本宿所行菩薩所因勸樂示義咸來咨嗟而供養之雖尔菩薩心無所著無有魔難以捨衆害普逮一切諸佛道法須臾一時發

心之頃等行智慧悉當知此逮致佛道爲最
正覺以達一切逮最正覺住在一切十方世
界見不可計無限如來授其右掌盡問佛道
又咨永安道德之源道慧微妙無有患馱講
論至道慧得自在宣布平等入無邪業分別
示衆無央數行剖判三寶使不斷絕敷演大
哀於一切法而得自在入于豪勢無窮之業
若有衆生諸根淳熟悉能了是菩薩所行若
諸根亂不知所趣菩薩適成如來道法夙夜
七日悉存法樂觀佛道樹不以爲馱目未曾
眴百千億天來歎供養百千玉案貢上甘饌
咸發無上正真道意覩見如來威儀禮節已

成佛道如來至真時四天王各往執鉢奉上
如來如斯刹土一四方域三千大千世界為
中國土大千國土各有百億諸四方域四百
億四大天王皆各執鉢往授如來如來悉受
佛顯威神使諸天王各不相見各自心念佛
受我鉢當以飯食以此忻喜心中坦然咸發
無上至真道心至不退轉佛以成道提謂波
利五百賈客佛欲度之現車馬頭賈客伴黨
及餘而不自前恠之所以天於虛空告言佛
興在出世可往供養聞之忻然各上密匙醍醐
八萬四千諸天子衆亦首供養如來受之其
本宿世曾建至願如來成道我等第一進奉

供饍欲遂本願各不相見不知所在一一各
念獨供養佛餘無進者以是忻豫逮不退轉
然後當得無上正真之道為最正覺度眾危
厄

大寶積經卷第十一

師

溥

上市倫反

列

上市普反

車

上音

草

上古八反

稊

稊也稊也

子

失染反

睽

正作稊也經音義作麩應和尚以結替之是也又羊刃反非也

蘿

上郎何反

若

芋

于遇反

蕪

菁

上音無

食

下音精

舖

音

菜

而去反

淳

湏

都弄反

跳

上徒

謙

聊反

恪

苦各反

退

音廬

獷

古猛反

瓚

上古

躡

上蒲

當


益反

蠲

古臺反

曾

音



猪飼順良寄附

五五

五五



